



CHUO CHA SANAA DAR ES SALAAM

"Kipaji ni Ajira. Sanaa ni Biashara"

MAELEKEZO YA KUJIUNGA KWA MWAKA WA MASOMO 2025/2026

1. KUHUSU CHUO CHA SANAA DAR ES SALAAM

Chuo cha Sanaa Dar es Salaam ni Chuo cha kisasa kinachoongoza nchini Tanzania kwa kutoa mafunzo ya Sanaa za aina nyingi za Kitamaduni na za Kisasa, yanayojikita zaidi kwenye mazoezi ya vitendo yanayohakikisha kila mwanachuo bila ya kujali tofauti zake za umri, hali, nafasi, kipato, elimu na uelewa, anakuwa mahiri.

Wakati wa mchakato wa kusajiliwa, wanachuo wanahudhuria Kliniki ya kuibua vipaji vya Sanaa ili kubaini vipaji na viwango vya umahiri walivyonyavyo. Chuo pia kinafundisha lugha ya Kiswahili kwa wageni na kinawafundisha wanachuo wake Kiingereza na Kichina.

Kusoma **Chuo cha Sanaa Dar es Salaam** ni zaidi ya kujifunza; kwani Chuo kinaibua, kukuza na kuendeleza vipaji kuwa ujuzi wa kitaalamu. Pia huwasaidia wahitimu kujijari au kuajiriwa kupitia vipaji vyao. Pamoja na Mafunzo ya Darasani wanachuo hupata Mafunzo ya Uanagenzi, pia wanasaidiwa kubadilisha Sanaa zao kuwa biashara rasmi na kumudu kuzisimamia au kusimamia wasanii wengine. Maisha Chuoni ni aina fulani ya burudani, kwani wanachuo husoma huku wakijiongezea kipato kupitia Sanaa wanazotayarisha wenyewe pamoja na kupata fursa ya kuonesha Sanaa zao kwenye matamasha mbalimbali pamoja na vituo vya TV. Chuo kinawaunganisha (*connection*) wanachuo na wasanii maarufu na taasisi zinazojishughulisha na Sanaa.

Hapa Chuoni ndoto ya kila mwanachuo inaheshimiwa na kuwekewa mikakati mahsusi ya kuhakikisha kila mwanachuo mbali ya kufundishwa, anasaidiwa kutimiza ndoto yake katika Sanaa.

Chuo kina Usajili Kamili kutoka Baraza la Taifa la Elimu ya Ufundi na Mafunzo ya Ufundi Stadi (**NACTVET**) kwa namba **REG/NACTVET/1125**. Na kimeidhinishwa na Baraza la Sanaa la Taifa (**BASATA**), Bodi ya Filamu Tanzania (**TFB**) na Baraza la Kiswahili la Taifa (**BAKITA**).

2. MAHALI CHUO KILIPO

Chuo kipo mkono wa kulia kama unatoka Kituo cha Mabasi cha Magufuli/Mbezi Luis kuelekea Kibaha, kando ya barabara ya Morogoro katika mtaa wa Kibamba, Dar es Salaam, Tanzania.

3. KOZI ZINAZOTOLEWA

3.1. Kozi Ndefu:

- Sanaa za Maonesho na Ubunifu** (Urembo, Ususi na Makeup/ Ubunifu wa Mitindo & Uanamitindo/ Muziki Upigaji wa Ala za Muziki/ Uigizaji/ Uchoraji/ Uchongaji & Ususi wa Kitamaduni)
- Utayarishaji wa Filamu na Vipindi vya TV** (Film and TV Production)
- Ubunifu wa Muziki na Sauti** (Music and Sound Design)

3.2. Kozi Fupi:

- Uchoraji na Mapambo**
- Ubunifu wa Picha na Michoro (Graphic Design)**
- Ubunifu wa Picha/Michoro Jongefu (Animation Design)**
- Uchongaji Vinyago**
- Ususi wa Vifaa vya Kitamaduni**
- Ususi, Makeup na Urembo**
- Utunzaji wa Ngozi**

- h. Utunzaji Kucha (Nail Care), Matibabu ya Mikono (Manicure), na Matibabu ya Miguu (Pedicure)
- i. Ubunifu wa Mitindo na Uanamitindo
- j. Mitindo ya Mavazi ya Vionjo (Costume Design)
- k. Kuimba Muziki (Bongo Flewa)
- l. Alama za Muziki (Musical Notation)
- m. Sauti ya Kuimba (Vocal)
- n. Upigaji wa Ala za Muziki
- o. Uchezaji wa Muziki (kudance na keorografia)
- p. Utendaji wa DJ na Uchanganyaji wa Muziki
- q. Ngoma za Asili
- r. Ubunifu wa Sauti (Sound Design/Sound Production)
- s. Uzalishaji wa Muziki (Music Production)
- t. Ugizaji wa Hadharani
- u. Ugizaji wa Filamu, na Video za Muziki
- v. Ugizaji Sauti
- w. Utambaji wa Hadithi na Masimulizi
- x. Ushereheshaji wa Matukio na Uendeshaji wa Hafla (uMC)
- y. Uongozaji wa Video (Video Directing)
- z. Uzalishaji wa Filamu na Vipindi vya TV
- aa. Usimamizi wa Sanaa (Art Management)
- ab. Lugha ya Kiswahili kwa wageni
- ac. Mahitaji Mahsus (Tailor-made)*

**Kozi za Mahitaji Mahususi ni kozi maalum zinazoundwa ili kukidhi mahitaji na matakwa maalum ya wanafunzi binafsi au vikundi/taasisi. Kozi hizi hubinafsishwa ili kushughulikia ujuzi maalum, maarifa, au ustadi ambao wanafunzi wanahitaji kujipatia, kulingana na malengo yao binafsi au ya kitaaluma.*

4. SIFA ZA KUJIUNGA

- a. Kozi ndefu zote na Kozi fupi ya Usimamizi wa Sanaa (*Art Management*), awe na elimu ya angalau Kidato cha Nne (*Form IV*).
- b. Kozi fupi zote, ajue kusoma na kuandika.
- c. Kozi za Mahitaji Mahsus, awe na uzoefu katika Sanaa na kujua kusoma na kuandika.

5. MUDA WA KUPOKEA WANACHUO

Wanachuo wanapokelewa muda wowote wa mwaka.

6. MUDA WA KUANZA MASOMO (*INTAKES*)

- a. Kozi ndefu masomo yanaanza katika miezi ya Machi na Oktoba.
- b. Kozi fupi masomo yanaanza katika miezi ya Februari, Mei, Agosti na Novemba ya kila mwaka.
- c. Kozi za Mahitaji Mahsus na Kozi ya Lugha ya Kiswahili kwa Wageni, masomo huanza muda wowote kwa makubaliano na Mwombaji.

7. MUDA WA KUSOMA

- a. Kozi ndefu zinasomwa kwa miezi kumi na miwili (12).
- b. Kozi fupi zinasomwa kwa miezi mitatu (3). Kozi fupi zimepangwa kwa hatua tatu ambazo ni Hatua ya Awali (*Basic Level*), Hatua ya Kati (*Intermediate Level*) na Hatua ya Juu (*Advanced Level*). Baada ya kuhudhuria Kliniki ya Kuibua Vipaji, mwanachuo atachagua hatua inayomstahili kusajiliwa.
- c. Kozi za Mahitaji Mahsus na Lugha ya Kiswahili kwa Wageni hazina muda maalum kutegemea na uhitaji na nafasi ya Mwanachuo. Hata hivyo, muda wa juu wa Kozi za Mahitaji Mahsus ni siku thelathini (30) na Kozi ya Lugha ya Kiswahili kwa Wageni ni siku sitini (60). Kozi ya Lugha ya Kiswahili kwa Wageni imepangwa kwa hatua tatu kila moja inayojitegemea, ambazo ni Hatua ya Awali (*Beginners Level*), Hatua ya Kati (*Intermediate Level*) na Hatua ya Juu (*Advanced Level*).
- d. Usomaji kwenye Zamu za Muda Mfupi na Madarasa ya Nyumbani hurefusha muda wa kusoma.

8. ZAMU ZA KUSOMA

Kuna zamu tofauti za aina nne kwa siku, ambazo ni **Zamu ya Asubuhi, Zamu ya Jioni, Zamu ya Muda Mfupi** (*part-time shift*) na **Madarasa ya Nyumbani** kutegemea na uchaguzi wa Mwombaji. Kwa kozi moja, mwanachuo anapaswa kuhudhuria zamu moja tu kwa siku. Zamu ya Asubuhi inaanza saa 1:30 asubuhi hadi saa 10:00 jioni, na Zamu ya Jioni inaanza saa 11:00 jioni hadi saa 3:00 usiku, kuanzia Jumatatu hadi Ijumaa. Jumamosi kunakuwa na zamu moja kwa wanachuo wote, kuanzia saa 1:30 asubuhi hadi saa 9:30 alasiri. Katika Zamu ya Muda Mfupi, Mwanachuo hujichagulia siku na muda anaotaka kufika na kutoka Chuoni kulingana na nafasi yake. Kwa upande wa Madarasa ya Nyumbani, Mwanachuo hujichagulia mahali pa kusomea na muda anaotaka kuanza na kumaliza masomo kwa siku kulingana na nafasi yake. Hatufanyi kazi siku za Jumapili na siku za mapumziko ya Kitaifa.

Zingatia:

- *Madarasa ya Nyumbani ni kwa mikoa ya Dar es Salaam na Pwani* pekee.*
- *Kusoma kwenye Zamu ya Muda Mfupi na Madarasa ya Nyumbani kunaweza kuongeza gharama.*

9. KUSOMA KOZI ZAIDI YA MOJA KWA WAKATI MMOJA

Inaruhusiwa mwanachuo kusoma kozi zaidi ya moja kwa wakati mmoja. Kila kozi atasajiliwa tofauti na atapaswa kulipia gharama zote zinazohusika kwa kila kozi. Na usomaji utakuwa kwenye zamu tofauti kwa siku.

10. UTARATIBU WA UVAAJI NGUO CHUONI

Wanachuo wanaruhusiwa kuvaa Chuoni viatu au nguo zozote wazipendazo. Hata hivyo, **nguo zinazoonesha sehemu yoyote ya mwili kutoka kifuni hadi magotini pamoja na kwapa au zinazoonesha nguo za ndani haziruhusiwi kuvaliwa Chuoni.** Chuo kina utaratibu wa kushiriki kwenye sherehe na shughuli mbalimbali za Chuo, za Kiserikali au za kijamii ambapo wanachuo wanatakiwa kuhudhuria wakiwa wamevaa fulana za Chuo.

11. VIPODOZI NA UREMBO

Matumizi ya vipodozi na urembo yanaruhusiwa, ikiwemo kusuka nywele kwa mtindo wowote. Wanachuo wanafundishwa na kuhamasishwa kuwa warembo au watanashati wakati wote ndani na nje ya Chuo.

12. GHARAMA ZA HOSTELI

Gharama za hosteli za Chuo ni Tsh. 70,000/= kwa mwezi. Hosteli ina vitanda, magodoro, umeme, maji, malezi na ulinzi. **Kuishi hostel ni hiari.**

13. ZANA/VIFAA VYA SANAA KWA MATUMIZI BINAFSI

Wanachuo wanaruhusiwa kuja na zana au vifaa binafsi vya Sanaa wanavyopenda na wanavyomudu kutegemea na kozi wanazokuja kusoma, kwa ajili ya matumizi yao binafsi.

14. KUFANYA MAZOEZI YA VITENDO (*PRACTICAL*)

Sehemu kubwa ya mafunzo yetu hutolewa kwa vitendo. Wanachuo huhudhuria sehemu mbalimbali kwa ajili ya Uanagenzi na kujizoeza kwa vitendo; hii ni pamoja na kushiriki kwenye mashindano, sherehe, maonesho na matamasha mbalimbali.

15. KUFANYA MAFUNZO YA VITENDO UWANDANI (*FIELD WORK ATTACHMENT*)

- Wanachuo huhudhuria mafunzo ya vitendo uwandani (*field*).
- Chuo kwa kushauriana na wanachuo au wazazi/wadhamini, huwatafutia maeneo ya kufanyia *field*.
- Wanachuo hujigharamia nauli, malazi na chakula kwa ajili ya *field*.

16. MATUMIZI YA SIMU ZA MKONONI CHUONI

- Wanachuo wanaruhusiwa kutumia simu za mkononi wakiwa Chuoni. Chuo kinahimiza matumizi ya simu kwa uwajibikaji na heshima wakati wote.
- Wanachuo wanafundishwa matumizi bora ya mitandao ya kijamii kwa ajili ya kujiongezea kipato.

17. VIWANGO VYA ADA

S/N	Kozi	Ada (TZS)	Muda
1.	Kozi ndefu	800,000	Mwaka 1
2.	Kozi Fupi	500,000	Miezi 3
3.	Kozi za Mahitaji Mahsus	300,000	Mwezi 1
4.	Kozi ya Lugha ya Kiswahili kwa Wageni	25,000/saa moja	Miezi 2

18. MICHANGO

Huduma/Kifaa	Gharama (TZS)
Usajili	25,000
Kitambulisho	20,000
Fulana	25,000
Serikali ya wanachuo	10,000
Ada ya matengenezo (<i>Madarasa/Studio/Maabara/Saluni</i>)	30,000
Usimamizi wa mazoezi na mafunzo ya vitendo uwandani*	100,000

* Kozi za Mahitaji Mahsus na Lugha ya Kiswahili kwa Wageni hazihusiki na mchango huu.

19. MASUALA YA KUZINGATIA KATIKA ULIPAJI WA ADA NA MICHANGO

- Malipo ya **Ada ya Maombi** (*rejea Sehemu ya 8.c. ya Fomu ya Maombi*) yafanywe kupitia mfumo wa LIPA KWA SIMU kwenda LIPA NAMBA ya YAS **16348015**, jina **CHUO CHA SANAA DAR ES SALAAM**.
- Malipo yote yaliyoainishwa katika vifungu vya 17 na 18 vya fomu hii hapo juu yanapaswa kufanywa kwa kutumia **Namba ya Kumbukumbu** (*Control Number*). Wanachuo wanashauriwa kupata Namba ya Kumbukumbu kutoka Chuoni kabla ya kufanya malipo hayo (namba hizo zinatofautiana kwa ajili ya malipo ya ada na michango mingine).
- Ada inaweza kulipwa kwa mkupuo au kwa awamu kulingana na anavyopata.
- Chuo hakipokei malipo kwa fedha taslimu. **Katika mazingira yoyote, usikabidhi pesa taslimu au kwa simu kwa mfanyakazi yeyote wa Chuo kwa ajili ya kulipia chochote.**
- Malipo yoyote yakifanywa, hayawezi kuhamishwa wala kurejeshwa.**

20. BARUA YA KUJIUNGA NA CHUO

Baada ya maombi kushughulikiwa, Mwombaji atajulishwa kwa ujumbe mfupi wa simu kupitia namba yake na ya Mdhambi wake. Iwapo maombi yake yatakubaliwa atatumiwa Barua ya Kujiunga na Chuo.

21. FOMU YA UCHUNGUZI WA MATIBABU

Barua ya kujiunga na Chuo itaambatishwa na Fomu ya Uchunguzi wa Matibabu, au Mwombaji anaweza kuipakua fomu hiyo kwenye tovuti ya Chuo www.dararts.ac.tz, ambapo atakwenda nayo kufanya uchunguzi wa matibabu kwenye **hospitali** au **kituo cha afya** kinachotambulika na Serikali.

22. NYARAKA ZA KUWASILISHA KWENYE USAJILI

Anapokuja kuripoti Mwombaji anatakiwa aje na picha mbili (*passport size*), **nakala halisi** za vyeti alivyoambatisha kwenye fomu yake ya maombi (*rejea Sehemu 8.b. ya Fomu ya Maombi*), **nakala halisi** ya Fomu ya Uchunguzi wa Matibabu iliyojazwa, na **nakala kivuli** ya Barua ya Kujiunga na Chuo.

23. ZINGATIA

Chuo kinaongozwa na Sheria, Sheria Ndogo, Kanuni na Taratibu ambazo wanachuo wanapaswa kuzitii.

24. KWA MAWASILIANO ZAIDI

Iwapo una hoja usisite kufika Chuoni au kupiga simu kwenye namba **0715 910 010**.